



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: **UP-1/21-2-40-408-2/23**
Datum: **03.10.2023. godine**

«Agencija za vodno područje rijeke Save» Sarajevo rješavajući po zahtjevu Grad Visoko za donošenje Rješenja o vodnoj saglasnosti za uređenje desne obale rijeke Bosne u Visokom, dionica nizvodno od Gradskog mosta na dužini 1800 m, na osnovu člana 109. stav (1) tačka 14., a u vezi sa članom 80. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Podnosiocu zahtjeva, Gradu Visoko, koji je putem Službe za infrastrukturu, ekologiju, komunalne i inspeksijske poslove podnio zahtjev za izdavanje vodne saglasnosti daje se vodna saglasnost za uređenje desne obale rijeke Bosne u Visokom nizvodno od Gradskog mosta, prema Glavnom projektu: *„Novelacija glavnog projekta uređenja desne obale rijeke Bosne u Visokom, dionica nizvodno od Gradskog mosta, dužine 1.800 m”*, urađenom od strane „Zavod za vodoprivredu” d.d. Sarajevo, novembar 2022. godine, u cilju poboljšanja uslova tečenja i sprječavanja štetnog djelovanja voda.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za izvođenje radova.
3. Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-134-4/23 od 18.05.2023. godine. Vodna saglasnost se donosi na temelju dostavljene projektne dokumentacije pod slijedećim uslovima:
 - 3.1. Izvođenje radova na uređenju desne obale rijeke Bosne u Visokom na predmetnoj dionici vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Prije početka radova potrebno je obnoviti oznake poprečnih profila koje moraju biti jasno vidljive rukovaocu mehanizacije koja će se koristiti, a i u cilju lakše kontrole izvršenih radova. Parcelu/lokalitet na kojem će se vršiti čišćenje i uklanjanje materijala iz korita obavezno iskolčiti i iskolčavanje održavati tokom vršenja svih radova.
 - 3.4. Izvođač radova je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.5. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.6. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.7. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.8. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.9. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.10. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
- 3.11. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
- 3.12. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom uređenja desne obale rijeke Bosne, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
- 3.13. Nakon završetka radova neophodno je radni pojas koji uključuje korito, inundacioni pojas i obalu urediti i očistiti od gradilišnih objekata, mehanizacije i gradilišnog otpada.
4. Korisnik vodne saglasnosti je dužan da riješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i deponiji za odlaganje izvađenog materijala (smeće, mulj, kruti otpad, pijesak, šljunak, šiblje i dr).
5. Ukoliko se izvođenjem radova na uređenju desne obale rijeke Bosne na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
6. Investitor (korisnik vodne saglasnosti) ostaje u obavezi da prije početka radova, a kada period izvođenja radova na uređenju desne obale rijeke Bosne na predmetnoj dionici bude tačno preciziran, najmanje sedam dana ranije obavijesti Sportsko ribolovni klub „Visoko“, koje je korisnik ribolovnog prava na ovom ribolovnom području, o početku izvođenja radova u koritu rijeke Bosne na predmetnoj dionici, te da se prilikom izvođenja radova pridržava uslova navedenih u njihovoj saglasnosti.
7. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obala na predmetnim dionicama, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji se može pojaviti prilikom predmetnog čišćenja korita rijeke Bosne treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Grad Visoko je podnio koji je putem Službe za infrastrukturu, ekologiju, komunalne i inspekcijske poslove podnio zahtjev za izdavanje vodne saglasnosti zahtjev za izdavanje vodne saglasnosti za aktivnost uređenja desne obale rijeke Bosne u Visokom nizvodno od Gradskog mosta, u cilju poboljšanja uslova

tečenja i sprječavanja štetnog djelovanja voda, prema Glavnom projektu: „*Novelacija glavnog projekta uređenja desne obale rijeke Bosne u Visokom, dionica nizvodno od Gradskog mosta, dužine 1.800 m*“, urađenom od strane „Zavod za vodoprivredu“ d.d. Sarajevo, novembar 2022.

Uz zahtjev za izdavanje vodne saglasnosti dostavljena je slijedeća dokumentacija:

- Ovjerena kopija Uvjerenja o registraciji poreznog obveznika izdatog od strane Porezne uprave F BiH – Kantonalni porezni ured Zenica, dana 15.11.2019. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza izdatog od strane Uprave za indirektno-neizravno oporezivanje Banja Luka, broj: 04/1-17-1-7981-2/19 dana 16.12.2019. godine;
- Kopija Rješenja o prethodnoj vodnoj saglasnosti broj: UP-1/21-1-40-134-4/23 od 18.05.2023. godine donesenog od strane Agencije za vodno područje rijeke Save Sarajevo;
- Ovjerena kopija Rješenja o urbanističkoj saglasnosti donesenog od strane Službe za urbanizam, imovinsko-pravne, geodetske poslove i katastar nekretnina Grad Visoko, broj: 04/1-19-2-178/22 dana 13.07.2023. godine;
- Ovjerena kopija Urbanističko-tehničkih uslova datih od strane Službe za urbanizam, stambene, geodetske poslove i katastar nekretnina Grad Visoko, broj: 03/1-19-2-178/22 dana 11.07.2023. godine;
- Saglasnost za uređenje desne obale rijeke Bosne u Visokom od P24 do P39, data od strane Sportskog ribolovnog kluba „Visoko“ u Visokom, broj: 62-08/23 dana 07.08.2023. godine;
- Kopija saglasnosti za izvođenje radova na izgradnji obaloutvrde na rijeci Bosni data od strane Islamske zajednice u BiH, Medžlis Islamske zajednice Visoko, Izvršni odbor, broj: 03-07-264/23 dana 08.08.2023. godine;
- Kopija saglasnosti za realizaciju uređenja desne obale rijeke Bosne od P24 do P39, data od strane Centrotrans d.d. Sarajevo, broj: 1/4478/23 dana 08.09.2023. godine;
- Kopija zahtjeva Službe za urbanizam, imovinsko-pravne, geodetske poslove i katastar nekretnina broj: 08/1-02-6290/23 od 08.09.2023. godine;
- Glavni projekat: : „*Novelacija glavnog projekta uređenja desne obale rijeke Bosne u Visokom, dionica nizvodno od Gradskog mosta, dužine 1.800 m*“, urađenom od strane „Zavod za vodoprivredu“ d.d. Sarajevo, novembar 2022;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Glavni projekat iz tačke 1. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Na osnovu priložene dokumentacije i Glavnog projekta, izrađenog po uvjetima datim ranije izdatom prethodnom vodnom saglasnošću broj: UP-1/21-1-40-134-4/23 od 18.05.2023. godine, kao nesporno je ustanovljeno da će se uređenjem desne obale rijeke Bosne na predmetnoj dionici obezbijediti proticajni profil, stabilizacija obala vodotoka i sprječavanje štetnog djelovanja voda.
- Planirani radovi spadaju u kategoriju aktivnosti obuhvaćenih članovima 80. i 81. Zakona o vodama.

Priloženi Glavni projekat sadrži:

- Geodetsko snimanje trase, u širini od cca 30 m na desnoj obali, na kojem se planiraju izvoditi radovi;
- Situacija – list 1 i list 2 MJ 1:1000, uzdužne i normalne profile uređenih obala i poprečne profile urađene na lokacijama gdje je potrebno vršenje radova;
- geometrijske karakteristike korita (širina, dubina, osovinu i sl.), prezentirane su na poprečnim profilima;
- uzdužne i normalne profile regulisanog korita/uređenih obala;

- priložen je tabelarni proračun količina materijala planiranog za iskop, odnosno površina na kojoj je predviđeno čišćenje korita.

U ispitnom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-134-4/23 od 18.05.2023. godine izdate po zahtjevu Grad Visoko, te je shodno članu 114. Zakona o vodama, upisivanjem broja i stavljanjem otiska pečata ove Agencije na dio dokumentacije kojom su tretirane predmetne dionica vodotoka, data vodna saglasnost na istu.

Na osnovu priloženog Glavnog projekta utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava na predmetnom području, na osnovu člana 109. stav (1) tačka 14. Zakona o vodama i člana 17. stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), a u vezi sa članom 114. Zakona o vodama, valjalo riješiti kao u dispozitivu ovog rješenja.


UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka: Aida Bezdrob, dipl.inž.građ.

Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Prilog: Ovjeren Glavni projekat: „*Novelacija glavnog projekta uređenja desne obale rijeke Bosne u Visokom, dionica nizvodno od Gradskog mosta, dužine 1.800 m³*“, urađen od strane „Zavod za vodoprivredu“ d.d. Sarajevo, novembar 2022;

Dostaviti:

- Grad Visoko, ul. Alije Izetbegovića 12 A, 71300 Visoko (sa prilogom);
- AVP Sava, ISV – Vodna knjiga
- ☉ Sektor 40, arhiva
- Oglasna ploča AVP - Sava